



ORGANIZACIONI ODBOR
Širokac 22, 71 000 Sarajevo
Tel.: +387 33 252 210, Fax: +387 33 252 218
Primalac: Budžet KS za Fond memorijala KS
Račun: Depozitni račun br.3380002210019263 kod Uni
Credit banke
Svrha uplate: " Za manifestaciju Igman 2018."
Šifra Budžetske organizacije Fonda memorijala: 1302001

Broj: 13-40-120/18
Sarajevo, 26.10.2018. godine

IZVJEŠTAJ O ODRŽANOJ MANIFESTACIJI "ODBRANA BIH – IGMAN 2018."

Osamnaesta tradicionalna manifestacija „Odbrana BiH – Igman 2018“, kojom sjećajući se svih šehida i poginulih boraca BiH, odavanjem počasti i kroz sate historije i okrugle stolove bilježimo njihovu neizmjernu ulogu u odbrani BiH od agresije i terora okupatorskih snaga, njegujemo tekovine odbrambeno - oslobodilačkog rata '92-'95. godina, kao i prethodnih godina održana je u periodu od 11.04.2018. do 19.08.2018. godine.

U saradnji sa Udruženjem oboljelih od posttraumatskog stresnog poremećaja "VOX" - Sarajevo 10.05.2018. godine organizovan je Okrugli stol u Multimedijalnoj sali Memorijalnog centra Kovači na temu „PTSP – nevidljive rane rata“. Okrugli stol je imao cilj da se aktualizira ova tema, kako bi društvo prihvatilo postojanje ove problematike u zajednici, i pruži podršku oboljelima kako bi im se omogućio što kvalitetniji život. Provedbom projekta je planirano da se postignu sljedeći ciljevi: informisanje šire javnosti i oboljelih o njihovim mogućnostima i mogućnostima kada je u pitanju tretman pružen kroz usluge educiranih osoba (psiholozi, psihoterapeuti, psihijatri, neuropsihijatri), razbijanje stigme i predrasuda koje su sveprisutne u našem društvu kada su u pitanju, ne samo PTSP, već sva psihička oboljenja, odnosno poremećaji, povećanje svijesti i informisanosti o prisutnosti PTSP-a među stanovništvom sa posebnim naglaskom na resocijalizaciju oboljelih osoba što bi vodilo poboljšanju kvalitete života i ponovnom sticanju uloge u društvu, edukacija u svrhu prevencije, u njenom primarnom, sekundarnom i tercijarnom obliku. Produkt Okruglog stola je Zbornik radova pod nazivom: "PTSP - nevidljive rane rata".

Manifestacija je najavljena press konferencijom za medije koja je održana 01.08.2018. godine u prostorijama Multimedijalne sale Kantona Sarajevo.

Centralni dio manifestacije "Odbrana BiH - Igman 2018." započeo je prigodnim programom na šehidskom mezarju Kovači, 02. augusta 2018. godine. Odata je počast svim šehidima i poginulim borcima BiH. Prema protokolu manifestacije, predstavnici Oružanih snaga BiH, predstavnici Federacije BiH, predstavnici Kantona Sarajevo, kao i članovi boračkih udruženja i članovi porodica šehida i poginulih boraca obišli su značajna mjesta stradanja građana Sarajeva. Delegacije su položile cvijeće i odata je počast stradalima.

Mjesta na kojima je položeno cvijeće i odata počast su: ulica Ferhadija-Tržnica, Vječna vatra, Spomenik ubijenoj djeci opkoljenog Sarajeva '92-'95. (Veliki park), Alipašina džamija i na mostu Suade Dilberović i Olge Sučić.

Učešće u obilježavanju su uzeli i članovi Udruženja mladih ELAN koji su i rukovodili dijelom programa pod nazivom „Mladi na putu života“.

Istog dana u večernjim satima održan je program mevluda i zikra u džamiji na Igmanu kojem je prisustvovalo nekoliko stotina osoba. Vjerski program u džamiji je počeo sa akšam-namazom koji je predvodio Vojni muftija Hadis-ef. Pašalić. Mevludski program su izveli vojni imami i imami MIZ Sarajevo. Prigodno predavanje ovom prilikom održao je Kenan-ef. Musić, glavni imam MIZ Sarajevo. Dovu je proučio bivši glavni imam MIZ Sarajevo Ferid-ef. Dautović. Nakon dove klanjana je jacija-namaz koju je predvodio bivši muftija banjalučki Edhem-ef. Čamdžić. Po završetku mevludskog programa upriličen je zikr u organizaciji Tarikatskog centra BiH, koji je predvodio zastupnik šejha nakšibendijske tekije sa Mejtaša Haris-ef. Hadžić.

Centralni dio programa manifestacije održan je 03. augusta 2018. godine na prostoru Velikog Polja i džamije na Igmanu.

Na ovim prostorima okupilo se preko 20.000 posjetilaca, koji su organizovano pristigli iz svih krajeva Bosne i Hercegovine, pa i inostranstva. Program je počeo odavanjem počasti i polaganjem cvijeća na Grkarici, zatim mezarju Veliko Polje, Mrazište i Brezovača. U odavanju počasti učestvovala je i jedinica za odavanje počasti Oružanih snaga BiH. U sklopu centralnog dijela programa upriličeno je i otvaranje upotpunjenog i obnovljenog šehidskog spomen obilježja na Velikom Polju na planini Igman, posvećenog svim šehidima i poginulim borcima sa šireg područja Igmanskog ratišta. Na spomen pločama je uklesano ukupno 519 imena svih šehida i poginulih boraca Armije i MUP-a RBiH, uključujući i pripadnike Hercegovačko - neretvanskog Kantona.

Nakon počasti i otvaranja spomen obilježja na Velikom Polju program je nastavljen na musalli pored Igmanske džamije.

Vjerski program u haremu džamije na Igmanu prije džume-namaza su realizovali predstavnici MIZ Sarajevo, vojni imami, poznati učaći Kur'ana Časnog: Gokhan Aksan, mujezin-kajjum pri Muftijstvu Kirşehir, i Ibrahim Alparslan, učitelj Kur'ana i kiraeta u školi za hifz pri muftijstvu Izmir, te učaći ilahija i kasida Mustafa-ef. Isaković, Resul-ef. Alić i Bilal Zukan.

U skladu sa protokolom vjerskog programa, značajno mjesto je dato dočeku "Mladih na putu života" koji su noseći ratne zastave Armije R BiH dočekani kod Igmanske džamije. Ove godine u realizaciju ove aktivnosti bila je uključena mreža mladih MIZ Sarajevo, MIZ Zenica, MIZ Zvornik i članovi Udruženja mladih ELAN.

U sklopu programa, pred džuma-namaz, predsjednik Organizacionog odbora doc.dr. Salko Bukvarević, ispred Pododbora za vjerski program, dodijelio je priznanje bivšem glavnom imamu MIZ Sarajevo Feridu-ef. Dautoviću, za doprinos u razvoju i afirmaciji Ratne džamije na Igmanu i ove manifestacije. Prije džuma-namaza, prisutnima se obratio i Vojni muftija Hadis ef. Pašalić, uputivši prigodnu poruku zvanicama i prisutnima na musalli. Hutbu na džuma-namazu održao je Reisu-l-ulema IZ-e u BiH, dr. Husein-ef. Kavazović, a džuma-namaz je imamio prof.dr. Enes-ef. Ljevaković, muftija sarajevski. Dovu za Domovinu Bosnu i Hercegovinu proučio je glavni imam MIZ Zvornik Haris-ef. Mustajbašić.

Ured vojnog muftije je u saradnji sa Pravoslavnom i Katoličkom crkvom u Sarajevu organizovao obred za poginule branioce Bosne i Hercegovine, misu zadušnicu i parastos.

Iz objektivnih razloga nije došlo do organizovanja molitve za poginule Židove u redovima Armije RBiH.

U poslijepodnevним satima održan je kulturno-umjetnički program na Velikom Polju koji je snimala firma Audio Video Consulting d.o.o. Sarajevo i koja je obezbijedila satelitski prijenos do zgrade RTV BiH. Nakon montaže snimak je emitovan u večernjim satima na televiziji Kantona Sarajevo (TVSA).

U saradnji sa Ministarstvom za kulturu i sport Kantona Sarajevo koji je kao nosilac Pododbora za program dalo doprinos u organizaciji ovogodišnje manifestacije. Ministarstvo je obezbijedilo besplatno učešće izvođača u programu, naratora/glumaca gdina. Mirzu Mušiju.

Također, u programu su bili angažovani scenaristi, scenografi, muzičari, zatim su u programu učestvovali dječji hor Princess krofne i dva pjevača, profesionalna interpretatora patriotskih pjesama gđin. Selam Tufekčić i gđa. Hasiba Agić, a program je predvodio gđin. Haris Dučić.

U ime OO prisutnima su se obratili predsjednik OO doc.dr. Salko Bukvarević, Federalni ministar za pitanja boraca i invalida odbrambeno-oslobodilačkog rata, Muharem Fišo, ministar za boračka pitanja u Vladi KS, u svojstvu dopredsjednika OO.

U ime bošnjačkog člana Predsjedništva BiH obratio se NJ. E. gđin. Bakir Izetbegović kao pokrovitelj manifestacije.

Pododbor za vojne počasti je u okviru ovog programa, u odnosu na prethodne manifestacije dao je veći akcenat, na učešću djece i omladine u defileu ratnih jedinica. Djeca i omladina su bila angažovana iz ratnih jedinica iz koje dolaze veterani. Uz djecu i omladinu su učestvovali i veterani, predstavnici svih Korpusa Armije i MUP-a R BiH.

Sportske igre se već po šesti put održavaju u okviru manifestacije Igman, a Pododbor za sportske aktivnosti ima za cilj da kroz njihovo organizovanje ne samo obogati programske sadržaje manifestacije "Obrana BiH - Igman", već i da privuče što veći broj omladine da se uključe u organizaciju manifestacije, kako bi se na taj način utjecalo na savjest građana BiH, a posebno omladine da shvate značaj jednog od najznačajnijih datuma koji se obilježava na lokalitetu Igmana. U sklopu Sportskih igara bilo je zastupljeno pet disciplina: disciplina streljaštvo, kros za muškarce i za žene, skok u dalj, potezanje konopca i bacanje kamena s ramena.

Nakon završetka svih disciplina održana je završna ceremonija na kojoj su najboljim učesnicima uručena priznanja i nagrade, a koja je upriličena na centralnom dijelu manifestacije. Priznanja i nagrade najboljim učesnicima su uručili član Predsjedništva BiH NJ.E. gđin. Bakir Izetbegović, predsjedavajući Vijeća ministara BiH gđin. Denis Zvizdić, zamjenik predsjedavajućeg Predstavničkog doma Parlamentarne skupštine BiH gđin. Šefik Džaferović, Federalni ministar za pitanja boraca i invalida odbrambeno-oslobodilačkog rata gđin. Salko Bukvarević, potom general Armije RBiH gđin. Husejn Tursunović, zatim ministar za boračka pitanja Kantona Sarajevo gđin. Muharem Fišo.

I na kraju, izražena je želja da ove Sportske igre postanu dio tradicionalne manifestacije na Igmanu i narednih godina, ali i da se prošire novim sadržajima, novim disciplinama i sa većim brojem učesnika iz svih krajeva naše domovine.

Udruženje mladih ELAN je i ove godine uzelo učešće u manifestaciji "Obrana BiH – Igman 2018." i povećalo broj učesnika na maršu "Mladi na putu života". Projekat je održan 03. - 04.08.2018. godine. Cilj projekta je ukazati na važnost Igmana kao jednog od izlaza iz opkoljenog Sarajeva tokom agresije na BiH, te podsjetiti svijet na svu nedužnu ubijenu djecu u opkoljenom Sarajevu, s porukom da se to nikad više ne ponovi. Ovaj projekat je veoma bitan za mlade kako bi se educirali o našoj historiji, i iz tog razloga se svake godine realizuje ovaj projekat. Ovogodišnji broj učesnika marša je bio 55 mladih osoba. U realizaciji ovog projekta su uključeni mladi Kantona Sarajevo. Ove godine se projekat podigao na internacionalni nivo, tako da su među ovogodišnjim učesnicima nalazili i studenti iz Turske.

Manifestacija "Obrana BiH – Igman 2018." je završena odavanjem počasti stranim vojnicima i diplomatama na lokaciji Igmana – Bijela kosa dana 19.08.2018. godine.

Realizacija zadataka planiranih kroz Pododbor za marketing i informisanje ogledala se u medijskom pokroviteljstvu, izradi potrebnih jingl-ova, off-ova, billboard-a i drugih oblika promotivnih aktivnosti. U tom smislu dogovoreni su medijski pokrovitelji koji su ove godine uz stalne, kao što su TVSA, FTV, Hayat TV, RTV USK, RTV BPK, EUROPLAKAT, RADIO BIR, RADIO M, RSG, RADIO KONJIC, i drugi, prošireni sa Preporodom, također i internet portalima: www.onasa.ba, www.source.ba, i www.rejting.ba.

Pododbor za marketing i informisanje je u sklopu planiranih aktivnosti uradio sljedeće:

- Napravljen je TVC (jingl) u saradnji sa Fondom memorijala,
- TVC je dostavljen TV stanicama: TVSA, FTV, Hayat TV, RTV Vogošća, TV USK, RTV BPK,

Također radio jingl je dostavljen i radio stanicama:

- Radio BIR, radio M, radio RSG i radio Konjic,

Organiziranje gostovanja na TV i radio stanicama:

- TVSA, TV Vogošća, radio BIR,
- Organizacija novinarskog praćenja cjelokupne manifestacije i realizacija nekoliko reportaža,
- Dizajnirani su billboard-i, akreditacije i ostali prateći marketinški sadržaji,
- Održane su planirane press-konferencije.

Kompletnu aktivnost Pododbora za marketing i informisanje uradio je Fond memorijala.

Za realizaciju navedenih programskih sadržaja Pododbor za OTP i logistiku organizovao je niz sastanaka sa predstavnicima i odgovornim osobama ispred Kantonalnih javnih preduzeća sa kojima je u saradnji proveo sve odluke OO i sve aktivnosti predviđene Planom i programom rada Pododbora.

- U tom smislu MUP, Uprava policije MUP-a Kantona Sarajevo, dana 02.08.2018. godine od strane policijskih službenika Prve PU poduzeli su mjere osiguranja lokaliteta mezarja Kovači, gdje je upriličeno otvaranje manifestacije. Potom, istog dana, od strane policijskih službenika Pete PU izvršilo se osiguranje "Marša mladih na putu života" kod Spomeničkog kompleksa Tunela D-B u Butmiru, kao i od naselja Hrasnica do "Hrasničkog stana" na Igmanu. Zatim istog dana je izvršeno osiguranje "Ratne džamije" na Igmanu, gdje su se održavali vjerski obredi. Dana 03.08.2018. godine od strane policijskih službenika Šeste policijske uprave izvršeno je osiguranje centralne manifestacije "Odbrana BiH – Igman 2018.", i tom prilikom je izvršeno osiguranje vjerskog obreda, kulturno umjetničkog programa i sportskih igara. U obezbjeđenju navedene manifestacije učestvovalo je ukupno 79 (sedamdeset devet) policijskih službenika, koji su tom prilikom koristili 14 službenih motornih vozila.

- Ministarstvo za rad, socijalnu politiku, raseljena lica i izbjeglice KS je putem Direkcije za robne rezerve KS obezbijedilo potrebnu količinu namirnica za spravljanje predviđenih 5.000 obroka i nabavku napitaka za goste i posjetioce manifestacije. Transport robe do odredišta vršen je od strane Direkcije za robne rezerve KS.

- U pripremi i distribuciji hrane za potrebe manifestacije 2. pješadijski (rendžerski) puk je obavio značajan posao. Za učesnike i posjetioce manifestacije Pješadijski puk je pripremio i podijelio cca 5.000 obroka.

- Ministarstvo komunalne privrede i infrastrukture KS je u cilju pripreme i realizacije manifestacije "Odbrana BiH – Igman 2018." putem KJKP "Park" d.o.o. Sarajevo realizovalo košćenje travnjaka, orezivanje grmlja i prikupljanje, utovar, odvoz i odlaganje pokošene trave, te prikupljanje, utovar i odvoz otpadaka na lokalitetima na kojima su održavani programi. Uz predmetne poslove, Ministarstvo je obezbijedilo rad komunalnih redara Službe komunalnih redara KJKP "Park" d.o.o. Sarajevo u svrhu neposrednog čuvanja čistoće na dan održavanja centralnog programa. Također, putem KJKP "Rad", realizovani su pranje saobraćajnica na Velikom Polju, doprema i distribucija pitke vode za učesnike manifestacije te prikupljanje, utovar, odvoz i odlaganje otpadaka. Uz predmetne poslove, Ministarstvo

je obezbijedilo rad komunalnih redara Službe komunalnih redara KJKP "Rad" d.o.o. Sarajevo u svrhu neposrednog čuvanja čistoće na dan održavanja centralnog programa.

- KJKP PARK je u saradnji sa Fondom memorijala izveo predviđene hortikulturalne radove u obimu kako slijedi: mašinska košnja sa izgrablivanjem, sakupljanjem i odlaganjem pokošene trave oko bine na Velikom Polju. Na realizaciji ovih poslova bilo je angažovano 9 (devet) radnika. Od mašina su korištene dvije kosilice, jedna makazara i tri trimera za košenje trave, zatim od vozila je korišten kombi za prevoz radnika.

- KJKP RAD je dalo na raspolaganje jednu cisternu za pranje platoa oko šehidskih mezarja na Velikom Polju i Mrazištu, zatim platoa oko Ratne džamije na Igmanu i prostor oko bine na Velikom Polju, dan prije manifestacije, potom na dan manifestacije tri cisterne sa pitkom vodom na Velikom Polju i na platou kod Ratne džamije. Zatim je pauk vozilo dežuralo na dan manifestacije, za postavljanje posuda za odlaganje otpada angažovano je vozilo, potom su angažovana dva vozila za prevoz stolica i zaštitne ograde na relaciji Sarajevo – Igman – Sarajevo, autosmečar, i druga tehnička pomagala i mašine, te u više navrata angažovali su ljudstvo (pet radnika) i materijalna sredstva za čišćenje lokaliteta Velikog Polja.

- KJU za zaštićena prirodna područja je stavila na raspolaganje 8 (osam) nadzornika na obezbjeđenju prostora i 22 (dvadeset dva) radnika na utovaru, postavljanju i povratu zaštitne ograde, stolica i sličnih aktivnosti.

- KJKP Vodovod i kanalizacija su vršili hiperhlorisanje, mikrobiološku i fizičko-hemijsku analizu ispravnosti vode u cisternama, gdje su rezultati analize potvrdili da na osnovu ispitanih mikrobioloških parametara uzeti uzorak NE ODGOVARA.

- JU Dom zdravlja KS je obezbijedila po jedan samostalni medicinski tim sa sanitetskim vozilom za pružanje medicinske pomoći iz OJ DZ NOVI GRAD i OJ DZ ILIDŽA koji su bili na raspolaganju tokom održavanja manifestacije.

- Kantonalna uprava za inspeksijske poslove KS je obavila izuzetan posao u sprječavanju trgovine neprimjerenih proizvoda na dan manifestacije i uopće nedozvoljene trgovine, korištenje neprimjerene i glasne muzike, zatim nekontrolisano loženje vatri i druge mjere u nadležnosti inspekcije. Za potrebe manifestacije, dana 02.08.2018. godine angažovani su bili glavni inspektori poljoprivrede, vodne i šumarske inspekcije, u funkciji koordinatora inspeksijskog tima zajedno sa tržišnim inspektorom, pregledani su lokaliteti Velikog Polja, Mrazišta i lokalitet džamije na Igmanu, u obilasku je korišteno jedno službeno vozilo Uprave za inspeksijske poslove. Potom dana 03.08.2018. godine na lokalitetu Velikog Polja, inspeksijski tim, u sastavu glavnog inspektora – koordinatora, zatim dva tržišna inspektora, jedan veterinarski inspektor i jedan inspektor zdravstveno-sanitarne inspekcije, su obavljali redovne poslove u skladu sa svojim nadležnostima i ovlaštenjima, te su korištena tri službena vozila Uprave za inspeksijske poslove.

- KJP "Sarajevo-šume" d.o.o. Sarajevo provelo je niz aktivnosti kako bi se bezbjednost svih učesnika manifestacije stavila na prvo mjesto, zatim na zaštiti šumskih područja, obezbijedili su pitku vodu na određenim lokacijama, obezbijedili su protupožarne puteve i učestvovali su u čišćenju smeća. Na ovim poslovima angažovano je 8 (osam) radnika i jedan traktor.

- Služba za zajedničke poslove Kantona Sarajevo obezbijedila je 100 stolica, dok je 200 stolica preuzeto od JU Centar za kulturu KS za potrebe manifestacije. Također, Služba za zajedničke poslove Kantona Sarajevo je obezbijedila i salu za potrebe sastanaka Organizacionog odbora i press konferencije Organizacionog odbora manifestacije, dva putnička motorna vozila za potrebe prevoza predsjednika Pododbora za operativno-tehničke poslove i logistiku i članove Organizacionog odbora manifestacije.

- Centrotans je prema postojećoj shemi organizovao i prevezao posjetioce manifestacije sa polaznih stajališta iz Kantona Sarajevo do Velikog Polja. Također je bio organizovan prevoz na relaciji Veliko Polje – Ratna džamija – Veliko Polje (kružni tok). Korišteno je 37 autobusa i to: 9 autobusa za prevoz učesnika defilea, prevoza učesnika kulturno umjetničkog programa i mladih na putu života, 20 autobusa za prevoz posjetitelja manifestacije na relaciji Kanton Sarajevo - Igman i 8 autobusa izvan Kantona Sarajevo.*

- Pored navedenih aktivnosti Fond memorijala je u saradnji sa relevantnim faktorima obezbijedio sljedeće: ozvučenje na mezaristanima i bini kod džamije, štampanje majica sa logom manifestacije, bilbord-a, letaka, pozivnica, akreditacija i drugih materijala, čišćenje terena prije i nakon manifestacije. Obezbijedeno je 10 mobilnih WC-a - eko kabina za potrebe gostiju na Velikom Polju.*

* Označene firme su svoje usluge naplatile, što je vidljivo u finansijskom izvještaju.

Pododbor za sigurnost – je na vrijeme dostavio operativno-tehnički plan aktivnosti za praćenje manifestacije koji je proveden u cijelosti i bez nedostataka i primjedbi.

Pododbor za finansije - je sve aktivnosti vezane za manifestaciju provodio na osnovu Okvirnog finansijskog plana manifestacije "Obrana BiH - Igman 2018.". Pododbor će dostaviti poseban Finansijski izvještaj manifestacije.

Prilog: Sastavni dio ovog izvještaja su izvještaji Pododbora koji potvrđuju i dopunjuju navedeni izvještaj, a dostavljaju se po ukazanoj potrebi.

Zaključci i preporuke:

1. Manifestacija "Obrana Bosne i Hercegovine - Igman 2018." je planirana, organizirana i realizirana na zadovoljavajući način i uspješno, i u skladu sa osnovnim ciljevima i očekivanim efektima autentičnih sjećanja i memorisanja bitnih događaja i učesnika događaja na prostoru Igmana u periodu '92-'95.
2. Organizacioni odbor smatra da je manifestacija u potpunosti ispunila cilj i postigla planirane efekte. Većina institucija i pojedinci koji su direktno i indirektno učestvovali u pripremi i realizaciji programskih sadržaja manifestacije "Obrana BiH – Igman 2018." zaslužuju sve pohvale.
3. Angažovanje relevantnih institucija za inspeksijske poslove Federacije BiH i Kantona Sarajevo dalo je izuzetne rezultate na terenu. Spriječena je nelegalna prodaja, prodaja neprikladnih artikala - alkohola i slično. Učinjen je značajan napredak u smislu aktivnosti koje su doprinijele da ovaj segment, koji nije u organizaciji OO niti je sastavni dio manifestacije, ne oskrnavi samu manifestaciju.
4. Sredstva planirana Budžetom Kantona Sarajevo za 2018. godinu za organizaciju manifestacije "Obrana BiH – Igman 2018." nisu bila dovoljna, te je Fond memorijala ponovo morao da izmiri sve nastale obaveze prema dobavljačima. Potrebno je da se za organizaciju manifestacije "Obrana BiH – Igman 2019." planiraju sredstva u Budžetu Kantona Sarajevo za 2019. godinu u iznosu od 100.000,00 KM. Potrebna je značajnija finansijska podrška manifestaciji "Obrana BiH – Igman" sa federalnog nivoa vlasti.
5. Uputiti dopis prema ministarstvu privrede Kantona Sarajevo, da se u Budžetu za 2019. godinu planiraju sredstva za asfaltiranje puta od Igmanska džamije do Mrazišta.
6. Proglašenje prostora platoa Velikog Polju na planini Igman za područje od posebnog značaja za Kanton Sarajevo, i za potrebe organizovanja manifestacije "Obrana Bosne i Hercegovine - Igman".

Generalni zaključak nastavlja kontekst zaključaka sa prethodnih manifestacija, što znači, planirati da se manifestacija svake godine obogati nekim novim sadržajima. Ova manifestacija mora postati izvoriste sjećanja. Za potrebe organizacije i realizacije manifestacije potrebno je angažovati što više mladih, obrazovanih i nezaposlenih osoba.

Izveštaj sačinila:

Aida Tanović, tehnički sekretar OO



FOND MEMORIJALA
Fond Kanton Sarajevo za očuvanje i održavanje
genocidnih mjesta i spomen-obilježja, memorijalnih
centara i muzejskih objekata



MEMORIAL FUND
Sarajevo Canton Fund for Construction
and Maintenance of Victims' Centres, Museums,
Centres, and Memorials for Genocide Victims

Aidane



Izveštaj ovjerava:

Hamdija Hasanović, gen. sekretar OO



FOND MEMORIJALA
Fond Kanton Sarajevo za očuvanje i održavanje
genocidnih mjesta i spomen-obilježja, memorijalnih
centara i muzejskih objekata



MEMORIAL FUND
Sarajevo Canton Fund for Construction
and Maintenance of Victims' Centres, Museums,
Centres, and Memorials for Genocide Victims